

RETRASO DUDOSO

molinanan di bientu na Morotin



“Kalor in-
menso den
oranan di
mèrdia

PAG 6



Nos kolega di Bonaire.tv, Marie Sint Jago tin komo hòbi saka potrèt. E potrèt partikular aki el a saka na e molinanan di bientu na Morotin. Loke a lanta Marie su interes pa saka tipo di potretnan aki, ta e echo ku el a sigui kurso di historia serka Bòi. Entretanto Marie su hòbi a bira su mini empresa ArticVisuals.

 cityshopbonaire.com
 City Shop Bonaire
 +599 700.6442
 +599 717.3666

City Shop
Smart shopping • Better living

PA TUR BO
PIESA I TIRE
PA BO AUTO,
BUS OF TRUCK



KAYA CARLOS A. NICOLAAS | 717-6272

xerox™



**OBERSI
ELECTRONICS
BONAIRE**

2X Double
Points
Tuesday!

ALL DAY EVERY TUESDAY!
Earn Double Points on your Club Card

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

**DIVI FLAMINGO
CASINO**

21

No ta respetá bandera di Boneiru

Na diferente sitio por nota un falta di rèspèt pa bandera di Boneiru. Na diferente okashon a yega di publiká esaki. Riba e foto un bandera di Boneiru tur frañá na e rotònde na Kaya Internashonal.



Pronóstiko di tempu pa Boneiru

Djaluna 08 te Djamars 09 Mei 2023
Periodo ku solo i seku

Tin periodo ku solo i lo keda seku. E temperatura máksimo lo ta 31°C, e temperatura mínimo 27°C. E bientu ost ta predominantemente basta fuerte, aproksimadamente forsa 5.

Altura di ola: 2,0-2,5 m (6-8 pia).

* Altura di ola válido pa laman grandi

	Djal	Djam	Djár	Djaw	Djab	Djas
	Mei 8, 2023	Mei 9, 2023	Mei 10, 2023	Mei 11, 2023	Mei 12, 2023	Mei 13, 2023
Temperatura máksimo	31	31	31	31	31	31
Temperatura mínimo	27	27	27	27	27	27
Yobida (mm)	0	0	0	0	0	0/1
Yobida (%)	10	10	10	10	10	20
Solo (%)	70	50	50	50	50	50
Bientu	< 0 5	< 0 5	< 0 5	< 0 5	< 0 5	< 0 6

Ta partisipa fayasementu di

Serrio Iraides Finies

miho konosi komo

Broertje Finies

22 September 1937 - 7 Mei 2023†

Na nòmber di su kasa: Elba Christiaan-Finies

Yunan:

Marcia Croes †
James Finies
Arlene Finies
Julian Finies i Joyceline Finies-Davelaar
Enzo Finies

Nietunan:

Michelle Croes i yuinan
Kaile Finies
Yannick Finies i yui
Frensel Martha i yuinan
Selene Beaumont-Sint Jago i yuinan
Uclaytis Davelaar i yui
Archuendro Finies i yui
Serginho Finies
Nathan Martina
Kristan Finies
Kayleigh Finies
Kayden Finies
Arantza Finies
Enzo Jr Finies

Rumanan:

Amelia Finies †
Swinda Koeks †
Goito Finies †
Chichita Finies
Baby Finies
Jack Finies
Doei Finies
Dudu Finies-van Aanholt
Genggeng Finies
Jantje Finies
Leintje Wilson-Finies
Nerio Finies

Tantanan i Tio:

Estrellia (Nana) Finies
Rubi Balentin
Nelly Balentin

Sua i Kuñanan

Primo i Primanan

Subrino i Subrinanan

Su bon amigunan i bisiñanan

I demas famianan, amigu i konosinan:

Christiaan, Finies, Anthony, van Aanholt, Davelaar, Koeks, Sint Jago, Beaumont, Wilson, Offerman, Mercera, Croes, Abdul, Goeloe, Balentin, Christiaans, Faulbourn, Vos, Cristina, Kuper, Morillo, Janga, Martina, Martha, Posner, Thode, Wout, Martinus, Pietersz, i tur su amigunan di Real Rincon.

Famia ta pidi su mas sinsero deskulpa si den su tristesa por a lubida un persona i of famia.

Ke gradisi: Thuis Zorg, Dr. Verenga, i tur persona di un of otro forma tabata tey den e momentunan pa nos kerido defuntu na ora di malesa i fayasementu.

Akto di entiero lo tuma luga
10 Mei 2023
Nos Consuelo Memorial
ta risibi bishita di kondolensia di 1or pa 4or

Nos no ta risibi bishita di kondolensia prome ni despues di entiero na kas.

SPESIAL RIBA AVISO PA

Dia di mama

Personalisá bo propio mensahé ku un foto huntu ku bo mama i manda esaki na

avisobon@gmail.com

Pa solamente \$42,40



F
P

Saludo, kon ta? Spera tur hende ta bon i kla pa sigui raspa bai den bida. Fe den Señor i bo ta logra sigur. Fi-estanan di fin di luna a pasa, awor ta momentu pa ban traha bèk, drecha pòt.

Algun siman pasá, bayendo Playa for di Rincon, polis a pasa mi i poko despues el a sende hazerd, pa indiká ku tin buriku na kantu di kamin- da, pues señal pa mi pone bon atenshon. M'a apresiá. Mi no sa ken nan tabata. Nos no tabata koriendo ku velocidat haltu. Kere mi, mi ta kore ku mas velocidat, ku mi motosaikel, ku mi ta kore den outo. Mi no sa di kon, mi ta purba papia ku mi mes tin biaha pa mi no hasié, ko- redó di motosaikel sa. E kos ei ta trigger bo. Sensashon ku motosaikel ta diferente for di un outo di famia. Sigur tin outo spesial, ku tambe ta trigger bo.

Mi ta purba, kaminda por ta peliger pa otro, pa no kore ku velocidat haltu ku moto- saikel. Pafó di área pobla, mi ta kore ku poko spit. Mi no ta bai gaña ku mi ta kore 40. Esei no ta nifiká ku mi ta kore 180 tampoko, pero ratu ratu, e man ta kai pisa riba e tròt.

Djaweps 4 di mei pa promé biaha mi a supla trompèt pa e okashon di konmemo- rashon di víktimanen di Se- gundo Guerra Mundial. Riley a bèl i pidi mi pa supla na e momentu ei. Eh eh, mi a bira kontentu.

Sin gaña, 2 pa 3 dia despu- es mi a kuminsá duda ku mi ta logra. Mi tabata trein 3 bi- aha pa dia. Mi a sigui trein i a ripara despues di 5 dia ku mi ta domin'é. Tur kos a bai bon durante e momentu di pre- sentá. Na final di trein e su- plá, mi a ripará ku e ta asta mas fásil ku e 'Last Post', ku mi ta supla na entiero wowo será.

Pues den e promé dianan mi a bira poko desesperá, sin ta nesesario. Hahaha. Hopi danki na Riley, ku a kere den mi, ku mi por a logra pa su- pla trompèt na e okashon. E sa ku mi ta responsabel i lo no lag'e na kaya.

RETRASO DUDOSO

KRALENDIJK- Ai- nda no por kuminsá ku konstrukshon di e Family Justice Center (FJC) na Antriol. Un retraso basta dudoso mirando ku no tin masha klaridat di loke ta stanka e trabou di kon- strukshon.

For di novèmber aña pasá a ranka sali ku ma- sha publisidat splikando e importansia di un sen- tro asin'aki. Ta konosí ku eks diputado Nina den Heyer tabata e inisiadó di e proyekto aki. Durante un presentashon na inisio di e proyekto, asta a yama den Heyer e baluarte di violensia doméstiko na Boneiru. Ta kiko a bai robes ku konstrukshon di e edifisio aki? No op- stante ken ta e diputado, mester tin continuidad. Especialmente si ta trata di

un proyekto ku por aliviá i solushoná un problema sensitivo den nos komu- nidat. Na e momentu aki James Kroon ta e diputa- do enkargá ku asuntunan sosial pues BONERIA- NO a aserk'é pa mas klar- idat tokante e situashon di FJC. Kroon a primintí ku el o trese e informashon korekto, pero te ku pu- blikashon di nos artikulo nos no a risibí esaki.

Ki dia lo inisiá?

E Family Justice Cen- ter lo ta un sitio sentral kaminda partnernan di kadena ta ofresé ayudo na siudadanonan riba tereno di violensia doméstiko i maltrato di mucha. Aki ta bai ofresé ayudo kaminda un siudadano tin ku konta su storia un biaha so pa haña yudansa. Di e mane-

ra akí den un forma seif i efisiente por ofresé ayudo na adultonan, hóbennan i muchanan ku tin di aber ku violensia doméstiko i maltrato di mucha.

E intenshon tabata pa renobá e edifisio eksis- tente di Sentro di Bario Antriol na Kaya Gutu. BONERIANO ta dispone di informashon ku nan ta bai basha e edifisio aki abou pa konstruí un nobo. Miéntas tantu lo pèrkurá pa un lugá temporal ya asina por kuminsá ku al-

gun aktividat, sperando e edifisio prinsipal keda kla.

Apesar di tur e plan- nan aki ainda no tin un fecha fiho pa kuminsá ku e trabou. Fundashon Cas Boneriano (FCB) ta en- kargá ku e 'projectman- agement' pues BONERI- ANO a tuma kontakto ku Ben Oleana.

E ta konfirmá ku tin un retraso. "Nos ta pre- parando pa kuminsá ku e konstrukshon", el a bisa.



Pa manehá bou di influensia

Diferente detenshon

KRALENDIJK-- Riba djadumingu 7 di mei a detené un hòmbler di inisial F.J.B.A. di 58 aña di edat en konekshon ku manehá bou di influensia. Esaki despues di un noti- fikashon ku a drenta di un outo ku tabata kore zeilu riba kaminda. Un patruya a topa ku e outo indiká i a duna e shofùr señal pa para pa kòntrol.

E sospechoso no por a kumpli ku e tèst di supla. A detené i hib'é warda di polis pa un análisis di rosea. En konekshon ku resultado, a kita su reibe- weis.

A detené riba djasabra 6 di mei. un hòmbler di in- isial J.A.A.C. di 51 aña di edat. Esaki en konekshon

ku manehá bou di influ- ensia. Un patruya a para e sospechoso pa un kòn- tròl despues ku a mir'é ta kore zeilu riba kaminda. A konsekuensia di e re- sultado di un tèst di supla ku a hasi kuné, a detené i hib'é warda di polis pa hasi un análisis di rosea. En konekshon ku resulta- donan, a kita su reibeweis.

Den oranan di ano- chi riba djabièrnè 5 di di mei a detené un hòmbler di inisial C.V.M.H. di 32 aña di edat. E sospechoso tabata envolví den un ak- sidente entre dos vehíkulo riba Kaya Korona. El a haña un prosèsferbal pa manehá sin reibeweis i a detené pa manehá bou di influensia.

Pa trese músika tradishonal den Parke Wilhelmina

TCB a firma kolaborashon ku Hòfi Kultural

KRALENDIJK – Tourism Corporation Bonaire (TCB) ta ekspresá su sinsero apesio pa e kolaborashon nobo ku Hòfi Kultural pa nan koperashon presioso na momentu di duna atenshon na e patrimonio musikal di nos isla, promoviendo un profundo sintimentu di orguyo i konekshon ku nos tradishonnan.

Dia 3 di mei e konhunto musikal tan gustá di Boneiru, Hòfi Kultural, a enkantá tantu habitantenan lokal komo bishitantenan ku nan presentashon vibrante di músika tradishonal den Parke Wilhelmina.

Mas òf ménos 30 miembro di e grupo di músiko talentoso akí, a laga tur hende tende kon nan ta dominá instrumentonan manera kuarta, wiri, tambú, maraka, tamburein i raspa.

Loke a hasi e presentashon akí realmente remarkabel, ta e kategoria di edat di e músikonan, ku ta varia entre 60 pa 85 aña. Nan entusiasmo hubenil pa músika i e plaser ku esaki

por brinda otro hende a resultá contagioso i e públiko a gosa un mundu.

E evento akí a tuma lugá durante bishita di e barku krusero Carnival Horizon i a ofresé tantu bishitantenan komo habitantenan lokal un eksperensia kultural úniko.

Miéntas Hòfi Kultural tabata laga melodlanan zona ku tin nan rais fuertemente ankrá den e patrimonio riku di Boneiru, e públiko no por a hasi nada otro ku entregá nan mes na e ritmonan enkantador i e tononan yen di 'soul'.

TCB ta ekspresá su sinsero apesio pa e kolaborashon nobo ku Hòfi Kultural pa nan koperashon presioso na momentu di duna atenshon na e patrimonio musikal di nos isla, promoviendo un profundo sintimentu di orguyo i konekshon ku nos tradishonnan.

E siguiente oportunidat pa eksperensia e tononan di e músikonan di Hòfi Kultural ta dia 21 di yüni, durante bishita di e barku kru-

sero Carnival Celebration.

E meta final di TCB ta pa ofresé artistanan lokal e posibilidat pa kompartí nos ritmonan lokal ku mundu

i ku tempu semanalmente trese músika lokal den nos sentro di siudat. TCB ta anhelá e próksimo presentashon, di manera ku un

biá mas tantu bishitantenan komo habitantenan lokal, por gosa di e músika hopi animá i rítmiko ku ta representá Boneiru.



BONAIRE INTERNATIONAL AIRPORT N.V.

VACATURE



BIA

Flamingo International Airport is de belangrijkste toegangspoort van Bonaire voor de inwoners, de economie en voor het toerisme. De organisatie Bonaire International Airport (BIA N.V.) is verantwoordelijk voor het beheer en de exploitatie van de luchthaven.

SENIOR FINANCIAL ADMINISTRATOR

Heb je altijd heel graag willen werken in een toonaangevende en dynamische organisatie waarin alles draait om vliegtuigen, reizen, passagiers en vracht? Dan kan jij onze nieuwe collega worden.

De Senior Financial Administrator voert zelfstandig de financiële administratie, en verzorgt het innings- en betalingsverkeer. Je biedt samen met collega's ondersteuning bij het opstellen van rapportages en begrotingen. Je draagt zorg voor het zelfstandig verzamelen, verwerken, en verstrekken van informatie.

Djabièrnè 12 di mei

Elekshon direktiva ABVO Boneiru

KRALENDIJK -- Komishon Elektoral ABVO Boneiru ta rekordá tur miembro di ABVO ku e próksimo elekshon di direktiva ta tuma lugá djabièrnè awor, 12 di mei.

Por vota entre 8'or di mainta pa 5'or di atardi na sede di ABVO, na Kaminda Yato Bako. Tambe ta bai tin un urna mobil ku ta pasa na diferente departamento.

Karchi di votashon a bai pa tur miembro via nan respektivo departamentonan. Pa miembronan ku ainda

no a risibí nan karchi di votashon, por tuma kontakto ku Betty Martis.

E lista ofishal di nòmber di kandidato ku a postulá pa e próksimo elekshon di direktiva di ABVO 2023-2025 ku ta tuma lugá djabièrnè 12 di mei ta Sherman Ersilia, Tafi Janga, Joanne Trenidad, Shehera Lo-A-Njoe i Nel Emerenciana.

Petishon ta bai na miembronan pa kòrda hasi uso di derecho di voto.

VADA CONSTRUCTION B.V.

ta buska

- 1 Loodgieter
- 1 Gids voor thuis reparatie
- 1 Electriciën

Mas inf. tel. nr. **785-2354**

Reageer voor 26 mei 2023

SCAN QR-CODE VOOR MEER INFORMATIE ►

www.bonaireinternationalairport.com



EZ Air ta legumai inkorporashon di Saab 2000

KRALENDIJK – E kompania di aviashon regional, EZ Air, a disidí di no sigui ku e plan pa inkorporá dos avion di e tipo Saab 2000, inisialmente

planiá pa tuma den servisio den promé kuartal di 2023.

Saab 2000 ta un variante un tiki mas grandi di avion Saab 340, ku e kompania aktualmente ta usando. Na

sierto momento inkorporashon di e avion mas grandi tabata parse interesante, pero e kompania na kaminda a bin topa tambe ku algun reto ku a pon'é kambia

di idea.

“E disponibilitat di pilotnan ku eksperensia riba e tipo di avion akí, ta masha limitá. Esaki ta hasi e entrenamentu di nos propio piltonan riba e tipo nobo un asunto un poko difísil i banda di esei bastante karu,” asina direktor di EZ Air, René Winkel, ta splika.

Winkel a bisa for di inisio tabata kla ku ya no ta tin tantu avion di e tipo akí den operashon rònt mundu, pero e bentahanan tabata parse tòg mas grandi ku e desbentahanan. Pero den práktika, esaki a sali diferente.

Apesar ku e kompania ya a hasi sierto invershon den e tipo di avion konserní, EZ Air awor a disidí pa no

inkorporá e avionnan. “Ta bin aserka ku operadónan eksistente di e avion ta deseá pa atkerí mas unidat di esaki. Nan sí no ta enfrentá e retonan ku EZ Air lo a enfrentá komo operadó nobo di e tipo di avion akí i tabata hopi interesá pa tuma e avion di EZ Air over pa reinforzá na flota,” Winkel a sigui splika.

Awor ku e uso di Saab 2000 no ta un opshon mas, e kompania ta studiando algun alternativa. Nos ta mirando un kresementu bastante signifkativo den e kantidat di pasahero i nos tin tambe ambishon pa bula mas leu den region. Nos ta buskando un avion ku ta konforme ku nos nesesidat i ambishon, Winkel a bisa.



No ta bai inkorporá e Saab 2000 ya pintá den kolónan di EZ Air, awor pa un operator eksistente di e tipo di avion akí. (Pòtrèt: EZ Air)

Angelo Vrolijk: “Nos tin tur derecho riba trato igual.”

Yamada na tur trahadó i nan famia pa manifestá

KRALENDIJK – Angelo Vrolijk, kordinadó di e manifestashon planeá pa otro siman, ta hasi un yamada pa tur trahadó i nan famia partisipá. “Diestres aña largu nos ta paga fielmente belasten na Hulanda. Diestres aña nos ta kai bou di konstitushon hulandes. Nos ta siudadanonan hulandes bibá riba tres isla den Caribe, esta Boneiru, Saba i Statia. Nos tin tur derecho riba trato igual ku nos rumannan ku ta biba na Hulanda. Nos sa ku na Hulanda tambe tin pobresa, meskos ku aki. I ta deber di gobièrnu pa yuda esnan den nesesidat ku nan tambe por tin un bida desente.”

Di akuerdo ku Angelo Vrolijk, na Hulanda gobièrnu hulandes a stipu-

lá un mínimo sosial, ku ta e montante ku kada siudadano mester pa e por paga su gastunan básiko di tur luna. Ta aki riba e tres islanan so Hulanda tin diestres aña ta bira rònt pa stipulá un mínimo sosial.

Vrolijk: “Abo kisas no ta kai bou di e grupo aki, pasobra bo ta gana un salario mínimo o poko mas haltu, pero bo tambe ta realisá por ehèmpel ku traha pa un sueldo minimo di Usd. 7.13 (shete dollar diestres pa ora) bo tampoko ta alkansá pa kubri tur bo gastunan mensual. Djies un ehèmpel: pa bo kumpra un bòter di pindakas grandi ta salibo Usd.9.25 ku ta mas ku un ora di trabou i asina kada un di boso mes por pone bo lista di komestibelnan ku bo mester

tur luna i mira pa bo mes ku simplemente e sèn no ta yega. Pa no papia mes di resibu di awa, koriente, transporte públiko i kosnan pa uso personal.”

“Abo ku tin un bon salario, kisas por pensa ku e loke ta manifestá p’e no ta konta pabo, pero realisá ku si 40% di bo komunidat ta biba den pobresa o ate hasta den miseria e ta afektá abo tambe, pasbora sigur riba un isla chikí asina aki bo tin di haber tur dia ku e situashon aki.”

Vrolijk ta haña ku p’esei e manifestashon di djabièrnè 12 di mei awor ta uno di solidaridat, di nos duna otro un man, di nos tene man di otro pa manda un señal kla pa Den Haag ku awor si ta basta. “Alabes nos ta duna nos representantenan i gobernantenan e sosten nesesario pa nan para firme i konvensé Hulanda ku no por mas. Pései un yamada na tur trahadó, na tur empresario i na tur hende pa duna djabièrnè awor bo granito dor di par-

tisipá den e manifestashon pa huntu nos para diskriminashon i desigualdat.”

“E no ta kostabo sèn, sino djies un tres ora di bo tempu pa tene man di bo rumannan laga e sinti ku e tin bo sosten i abo tin su sosten. Traha bo mes lemanan(no ofensivo si). Bin ku bo banderanan, sea di partido, di Boneiru òf di bario. No ta importá bo rasa ni kua partido polítiko bo ta simpatísá. Tampoko na kua religion bo ta pertenesé ni bo

orientashon seksual. Tampoko ta importá ku bo ta den bònt si òf nò. Nos tur ta Boneiru i Boneiru ta nos tur. Un den pensamentu, un den akshon ku ún bos”, Vrolijk tab trese dilanti.

E manifestashon ta djabièrnè 12 di mei pa 16.30 na rotònde di V.d. Tweel i kana e ruta bai terminá riba e espasio pa stashoná outo di Bestuurscollege, kaminda diferente hende lo tira diskurso kòrtiku riba e tema.

No ta aseptá sèn kèsh na Landfill

KRALENDIJK – Entrante promé di yüni no ta aseptá sèn kèsh mas na Landfill Lagun. Esaki SELIBON ta informá den un informe pa prensa. Esaki ta nifiká ku tantu e persona komo negoshi ku ta depositá nan sushi na Landfill Lagun, por hasi pago via un mashin di swaip, usando

un karchi débito. No ta aseptá karchi krédito.

SELIBON ta rekordá tambe ku entrante promé di yanüari 2023 e tarifa pa depositá sushi na Landfill Lagun a subi.

E tarifa di impuesto pa depositá sushi na Landfill a bira \$ 6,25 pa kada 500 kilo, inkluso ABB.

Ecua Bon Construction B.V.

ta buska

- 1 Metselaar (albañil)
- 1 Especialista en ceramica (steenbewerker)

Mas inf. tel. nr. **782-2903**

E por ta peligroso

Kalor inmenso den oranan di mèrdia

KRALENDIJK -- Bientu ta supla duru i konstante den último dianan pero apesar di esaki, e temperatura ta sigui hopi haltu kreando un calor inmenso i sumamente peli-

groso. Ku eksepsion di algun dia kaminda bientu a kai formalmente hasiendo e situashon ainda mas peligroso, e situashon di bientu a kambia i tin un brisa fuerte den último si-


mannan. Apesar di esaki por tin prinsipalmente den oranan di mèrdia pa atardi, un tipo di kayente riba henter nos isla i ku ta kousando problema pa hopi hende, prinsipal-

mente esunnan ku ta sufri di preshon haltu. Ta bon pa mensioná ku eksperimentonan ta sigurá ku e fenómeno konosí komo 'El Niño', den aña 2023, lo afektá temperatura global. Tambe e lo tin su influencia di klima i tambe lo tin su efekto riba e bida marina. Mesun eksperimentonan ta kere ku e aña aki lo ta mas calor ku 2022 i lo transformá su mes den e di sinku òf di seis periodo mas calor ku hamas a registrá.

E situashon ta di preokupashon den Karibe kompleto. Na Aruba entre otro durante di e "Openhouse di Marinierskazerne" dia promé di mei,

miles di hende a bishitá e feria.

A registrá vários kaso kaminda hendenan a bira malu dor di kana den e solo kayente. Tin hende ku a bira malu despues ku nan a yega kas i mientras a lanta ku tosamentu i malestar den e dianan ku a sigui. No solamente pa e calor ku tabatin na e feria pero tambe e kantidat di stòf ku bientu tabata plama. Tabatin un dia ku e tèrmometer a marka 38 grado. Pues ya kaba eksperimentonan riba e fenómeno di El Niño ta anticipá ku e situashon lo por dura te ku fin di 2023 i hasta lo sigui den inisio di 2024.



Denunsia pa difamashon

KRALENDIJK -- Un publikashon riba Facebook a kondusí na denunsia na polis. Polis awor ta investigando ken ta responsabel pa e publikashon den kua ta difamá nòmber di un persona.

Despues di a sali for di Warda di Polis kaminda el a hasi denunsia ofisial, ciudadano Luis Diaz, a akudí na redakshon di e korant akí pa asina mus-


tra e denunsia ku el a hasi. Ta trata di un publikashon riba Facebook, kaminda un persona usando nòmber fiktisio, ta akusá Diaz di violadó i abusadó di menor di edad.

Diaz a splika e sa for di unda e bientu ta supla, pero no tin prueba, p'esei el a hinka e kaso den man di polis pa investigá ken ta e persona ku ta dañando su nòmber ta i pon'é responsa-

bel pa su akto.

Diaz a bisa esaki no ta promé biá ku ta akus'é públikamente riba Facebook, pero awor sí a bira di mas. E ke pa polis investigá ken e persona ku ta publiká e akusashonnan su kontra ta.

Diaz: "Esaki ta di tres biá ku mesun persona ta usa nòmber fiktisio i ta akusá mi riba Facebook. Mi ta sospechá ken e persona akí ta, pero no tin prueba. For di despues ku mi a terminá relashon ku un dama, ta tipo di akusashonnan akí ta sigui bini dilanti. Te asta e dama a hasi denunsia kontra mi pa menasa di morto, pero esaki no tabata bèrdad. Esaki a pone ku mi a pèrdè trabou tambe." Diaz a bisa e no ta akusá niun persona i no ke pa ningun hende tampoco hasié daño. Awor ta na polis pa averiguá ken ta tras di e publikashonnan i a base di lei atendé kuné.



Ladronisia di skuter

KRALENDIJK -- Djabièrnè 5 di di mei a dreña keho di ladronisia di un skuter koló shinishi di e marka Symorbiz, numerá MF-1791. E skuter tabata stashoná na lòk na un kas

situá na Kaya Socrates. Deskonosínan a bai ku e skuter entre 10 or di anochi riba djaweps 4 di mei i djabièrnè 5 di mei, 9'or di mainta. Ta investigando e kaso.



ENTIDAD PÚBLICO
BONEIRU



PARTISIPASHON

E kayanan ta haña asfalt nobo. Asina bo por kore den futuro riba kaminda ku ta mihó. Pa e motibu akí **ta sera Kaminda Lagoen pa tur automobilistanan entre 0800 'or te ku 21.00'or desde 10 di mei 2023 te ku 24 di mei 2023.**

E área será ta alkansabel pa hende na pia. Parker bo outo pafó di e área será i **no** dilanti e barikada.

Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber Interino,
R.A. Oleana

Sekretario Insular,
mr. C.J. Frans

Pa koperashon i aporte risibí

Organisadónan Dia di Rincon gradesido

KRALENDIJK -- Komishon Herensia Kultural Rincon ta bisa di ta gradisí tur hende pa nan aporte duna na e selebrashon di Dia di Rincon 2023.

Nos ta gradisí tur nos spònsenan, kolaboradónan, miembronan di prensa i tur ku di un forma òf otro a yuda pa asina e selebrashon tabata un ék-sito. Manera e lema ta bisa 'Ta nos tur huntu ta hasi

Dia di Rincon', asina e grupo a indiká den un komunikado pa prensa.

Tambe e komishon a bisa mesora despues di e Dia di Rincon tras di lomba, a kuminsá ku preparashonnan pa e di 35 edishon di Dia di Rincon e aña ku ta bin.

Tin diferente tayer, charla i tambe evento di sosten na kaminda, pa e selebrashon grandi 2024, asina Komishon Herensia Kultural Rincon ta trese dilanti.



Debí na problema ku salú

Parlamentario Vestering ta pone trabou temporalmente abou

KRALENDIJK/DEN HAAG – Leonie Vestering miembro di Tweede Kamer pa Partij voor de Dieren, ta pone trabou temporalmente abou debí na problema ku salú. Den un mensahe via

Twitter, e ta bisa ku e ver-rano akí e lo por bini bèk.

Vestering di 39 aña, un Parlamentario kende semper a sali na defensa di naturalesa, medioambiente i bienestar di bestia, sigur pa

islanan BES, ta skirbi ku aña pasá el a haña un infekshon, originá pa un bakte-ria den karni. Dor di esaki el a bira hopi malu, pero a rekuperá tambe bon. Esaki, segun e mes ta bisa, a siñ'é kon importante ta pa tin un bon salú.

Si Vestering ta pone trabou temporalmente abou, ta a konsekuensia di sirkunstansianan di trabou, e ta laga sa, sin bai mas den detaye. Partij voor de

Dieren tambe ta komparti esaki den un komunikado pa prensa, pero tampoko ta bai den detaye mas aleu.

Eva Akerboom, kende anteriormente tabata miembro di Tweede Kamer, ta tuma e tareanan di Vestering over. El a remplasá Femke Merel van Kooten na 2018, tempu ku esaki a bai ku fakansi di embaraso i aña pasá lider di frakshon Esther Ouwehand, kende e tempu ei tabata malu.

E último añanan regularmente miembronan di Tweede Kamer ta kai afó pa motibu di malesa. Hopi biá referí na preshon di trabou kresiente den Parlamento.

Durante malesa, miembronan di Tweede Kamer i otro representantenan di pueblo por keda remplasá pa 16 siman. Kada representante di pueblo por keda remplasá temporalmente tres biá, ta pará den lei.



Thinkle B.V.

ta buska

- verkoopster

Mas inf. tel. nr. **785-0150**

Ruiz Sanchez Clean and Construction

ta buska

- 2 karpinté

- 3 persona pa den kapsalon

Inf. tel. nr. **795-0781/ 795-1690**

Na Lac

STINAPA ta estrená bòrchi nobo

KRALENDIJK— di Lac Pa Semper. E borch STINAPA resientemente a estrená nan bòrchi nobo

ta duna indikashon pa no kana riba yerba di laman.

Yerba di laman tin rais masha delikado ku por kibra fásilmente ora hende trapa riba nan, ta p'esei a kambia e bòrchinan i asina duna mas informashon pa hende sa mas i yuda STINAPA protehá e áreanan vulnerabel aki.

Yerba di laman no solamente ta un habitat natural i un tereno di kuminda pa hopi bestia, pero tambe ta yuda ankra e áreanan pa preveni eroshon di laman. E bòrchinan ta parti di e Proyecto Lac pa Semper, kaminda STINAPA ta trahando pa mantené Bahía di Lac bunita i salú.



No por hasi uso di e tualèt nan

Situashon tualèt na Cai horibel

KRALENDIJK -- Diferente persona a bisa e medio ta imposibel kon Gobièrnu òf e instansianan konserní no ta atendé ku e asuntu di tualèt na Cai pa kaba. Berpùt habrí ku simplemente un palèt poné riba dje pa mucha no kai aden. E kos akí ta un peliger grandi sí

Gobièrnu no aktua rápidu.

Turista ta paga 75 dòler na entrada na aeropuerto. Kon por ta posibel ku no tin ni awa te pa e tualèt nan funshoná. E loke ku ta pasando na Cai akí no ta korekto. Esun responsabel pa esaki mester aktua mesora. Tantu nos hendenan lokal

i turista ta spera ku di un forma inmediato e diputado enkargá ku esaki lo atendé ku e situashon horibel akí.

Aparte ku e tualèt nan ta hopi fis, nan ta holer stinki tambe. Ban spera ku ta hasi algu ku e situashon aki.

(Fuente/foto LIVE-99FM)



AKSHON I OBRANAN KU TA REFLEHÁ DIOS

Skritura: Echonan 9:36-43

“Awor na Jope tabatin un disipel ku yama Tabita, ... e muhé akí tabata abundá den echonan di karidat i bon obra, ku e tabata hasi kontinuamente.” Echonan 9:36(BS)

Hasi echonan di karidat i bon obra no ta algu difísil pa e ser humano en general. Pero komo kreyente ta algu ku nos mester ta hasiendo konstantemente. Algun kosnan remarkabel den e versikulonan akí ta, tabata evidente ku Tabita tabata un kreyente i e tabata konosé e nesesidatnan di e personanan ku tabata rondó di dje. Ademas e personanan tabata sa ku e Dios ku Tabita tabata sirbi tabata kapas pa resusit’é.

Bo ta un persona ku ta gusta hasi echonan di karidat i bon obra, pero ku e motivashon korekto kual ta ku otronan lo kier konosé e Dios ku bo ta sirbi i asina yega na tin un relashon personal kunÉ? Bo sa kua ta e nesesidat físiko di e hendenan alreder di bo? Tambe nan nesesidat spiritual kual ta salbashon i di tin komunión ku Dios pa medio di e sakrifisio di Kristu Hesus?

Nos ta sinti bon ora nos hasi un otro hende sinti bon òf ora nos keda rekonosí dor di otronan pa algu ku nos a hasi. Ma komo kreyente nos propósito mester ta ku kualkier kos ku nos hasi, sea den públiko òf den skondí, hiba otronan na kier konosé e gran Dios ku nos ta sirbi i biba p’E (Mateo 5:16).

Ken bo obra i akshonnan ta reflehá?
Surailly Granviel-Lourens

Produkshon PGM

Programanan di Bonaire.tv

TELBO kanal 70

Flamingo TV kanal 23

Djamars 9 mei 2023

12.00 Herensia:	Chamako Bembe ChichiTan
13.00 Aki Hulanda:	Charles Lebacs
14.00 Herensia:	Johanes Trinidad
15.00 BAPA:	Salomon (Monchin) Flanders
16.00 Aktualidat:	Edjean Semeler
17.00 Aki Bonaire:	Eksposishon Terramar
18.00 Herensia Korsou:	Angelica Gabriel
19.00 BAPA:	Giovanni Gijsbertha
20.00 Herensia:	Erich Perigault Monte
21.00 Aki Bonaire:	Chispa di Pedo
22.30 Herensia:	Rose-mary Thielman
23.30 Puerto Latino:	Luis Zárraga

Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.



Bonaire.tv
Historia | Kultura | Naturalesa

Trabou di reparashon na Parke Tului

KRALENDIJK – E siman akí a kuminsá ku e trabounan di reparashon na Parke Tului Domacassé. Kasi tur aparato di hunga den e parke pa no bisa tur, ta dañá òf kibrá. Dor di esaki ta originá situashon insigur pa prinsipalmente muchanan.

Ta hasi uso di Parke Tului pa diferente evento. Banda di un parke di hun-

ga, tin mesa di piknik bou di afdak i tin tualèt i wc pa landadónan. Regularmente ta organisá fiesta di mucha den e parke.

Fundashon Parke Tului tin un akuerdo di maneho ku Entidat Públiko Boneiru. E trabounan di reparashon ta keda ehekutá riba enkargo di Entidat Públiko Boneiru.



Mensaheronan di Pas a resusitá

Djadumingu 7 di mei, kor Mensaheronan di Pas, despues di 1 aña sin kanta den misa a regresá. Otronan a papia di ku Mensaheronan di Pas a resusitá. Ta trata di un kor ku tin hopi aña di eksistensia na parokia La Birgen di Coromoto. Mayoria di esnan ku ta forma parti di e kor, ta penshonado. Sigur parokianonan a sinti nan falta i tabata kontentu ku nan presensia.



Doño ta yega i gara ladron den pleno akshon

Masakre di kabritu

KRALENDIJK -- Sentral di Polis djasabra den oranan tempran di anochi, a keda notifiká di un kaso di ladronisia di kabritu ku tabata tumando lugá den un kunuku den aria di Lagun. Tabata despues ku doño di kunuku a kaba di duna su bestianan kuminda i a bandoná e kunuku, ku nan a bai tira un bista den aria di boka di Lagun i a bin tuma nota di un vehíkulo pará di forma sospechoso parti pa-tras di e kas bandoná ku tin den área.

Tabata e momentu ei ku e doño di kunuku a opta pa bai tira un bista bèk na su kunuku i a bin topa un hòmbler sospechoso skondí den pida mondi banda di

un kabritu ku el a kuminsá soya.

E hòmbler a sali na kare-da, kaminda ku el a menasa doño di e kunuku ku un kuchú pa despues kore dreña bai pèrdè den mondi.

Na yegada di polis na e sitio, nan a bin topa ku dos dama di kua unu ta na estado. Mesora polis a detené e damanan i a sali en buska di e hòmbler sospechoso.

Na e sitio a bin topa ku un kantidat di kabritu i tambe lamchi ku kachó a morde i mata. Tambe a bin topa ku kabuya, machete i tambe un bara di las ku ta usa pa las yuana kuné i algun otro kos mas ku e hòmbler sospechoso a usa pa para i soya e kabritunan.

Tabata den oranan di djadumingu mainta ku polis a presentá na Krusada situá na Kaminda Lagun kaminda a hasi detenshon di e hòmbler sospechoso.

Aktualmente tin un total di tres persona detené pa ladronisia di kabritu, miéntras ta sospechá e hòmbler

tambe di menasa ku arma blanku.

Tin ku bisa danki na kámaranan di seguridat ku tin poné stratégikamente i tambe un drone ku a hasi uso di dje, por a logra pone man riba e ladronnan, miéntras ku tin sospecho ku mes-ter tin un persona mas ku

ta kómplise ya ku no a bin topa ku e kachó ku tabata kore tras di e kabritunan i mata esakinan di manera ku nan por a keda soya.

E kaso ta ful den investi-gashon i no ta deskartá mas detenshon den e kaso akí.

(Fuente/Foto: LIVE-99FM)



Akshon di poster



KRALENDIJK – E siman ku a pasa STINAPA a tene un akshon di poster. Durante e siman a risibí diferente informashon riba tópiko di preshon, manera kambio di klima.

Relashoná ku esaki, a tene un presentashon i video kòrtiku i tabata turno pa traha poster. Por a skohe un variedat di efekto, kousá pa solushonnan potensial

riba término largu i kòrtiku.

Tabatin un aporte di tim bunita. Despues kada grupo a presentá nan poster i a skohe un ganadó. STINAPA ta gradisí kada tim pa nan aporte, kolaborashon i trabou di tim.

Konklushon: “Nos no tin muchu tempu, e ta nos futuro. Kambio di klima ta tur hende su problema.”



BIATA ta presentá Miss Teen Bonaire 2023

KRALENDIJK -- Despues di 2 luna di inskripshon di Miss Teen Bonaire 2023, djasabra 6 di mei, Johnrick Anthony Presidente di Bonaire International Art & Talent Academy, sekretaria Indra Sedney i mayor huntu ku kandidatanan, pa e di dos edishon di Miss Teen Bonaire, a firma kontrato di partisipashon i reglamentu

di kondukta. Tambe nan a risibí tur informashon detayá i skema di ful e temporada.

Awor e kandidatanan lo tin 1 luna i mei di preparashon intensivo i pronto BIATA ta publiká e kandidatanan, den forma di un show ku nan tin pendiente den luna di yùni benidero.

Riba potrètnan algun di e kandidatanan.



Detenshon pa maltrato

KRALENDIJK--Den oranan trempan di mainta riba djasabra 6 di mei a detené un hòmbler diisial N.L.L. di 50 aña di edat na Kaya Karaña. Motibu ta en konekshon ku maltrato

severo ku un arma. E sospechoso a maltratá un hòmbler ku un pida palu.

Ambulans a transportá e víktima pa hòspital pa tratamentu médiko. Ta investigando e kaso.




Aktualmente e ta den imprenta

Buki di prèt na kaminda

KRALENDIJK—Preparashonnan pa buki di prèt ta andando. Si tur kos kana bon pa fin di yùni, ta kuminsá ku distribushon di e buki. Aktualmente e bukinan ta den proseso di

imprenta. Buki di prèt ta un buki ku ta kontené diferente aktividat ku muchanan por partisipá na dje, sea grátis òf ku deskuento. Esaki ta pa den periodo di vakashon. E buki ta disponibel tambe na

Aruba. Diferente kompania i instansia ta hasi buki di prèt posibel, danki na nan koperashon i aporte pa sea duna deskuento òf ofresé aktividatnan spesial.



Dikon falta misa riba djadumingu ta piká?

Partisipashon den selebrashon komun di Eukaristia dominikal ta un testimonio di pertenensia i fidelidat na Kristu i na su Iglesia

Outor: Pader Eduardo María Volpacchio

Ta piká si bo falta Misa riba djadumingu? E kontesta riba e pregunta aki lo por ta masha kòrtiku: Sí, falta Misa -sin un motibu serio ku ta hustifik'e – ta piká grave.

Kisas ta interesá pa nos para un ratu ketu pa analisá dikon e ta asina.

I dikon falta misa riba djadumingu ta un piká?

Pasobra ora nos ta keda sin asistí, nos ta laga na kumpli voluntariamente ku un obligashon grave ku nos tin. I inkumplimentu di un deber grave, ta un falta grave. Ta p'esei e punto di salida di e kuestion aki ta e konsiderashon di e lei di Iglesia ku ta manda partisipá na Misa riba djadumingu i dianan di fiesta.

Dikon e por ta piká, si esun ku a falta Misa no hasi malu na ningun hende?

No ta midi gravedat di pikánan pa e kuantu malu ku ta hasi na otronan, sino pa e ofensa ku ta representá Dios. Ta p'esei, por ehèmpel blasfemia ta un piká grave, maske ningun otro persona ta

skuch'è. Di otro banda esun ku falta Misa riba djadumingu ta hasi daño na su mes i na e Komunitat eklesial na kua e ta pertenesé. Falta di Dios ta un falta peligroso: e ta hasi daño na alma.

Kua ta e obligashonnan di e katóliko?

Nos katólikonan, ademas di e Dies Mandamentunan ku lei natural ta resumi i ku ta bálido pa tur hende -no únika- mente pa kristiannan -, tin otro obligashonnan spesífiko dor di ta: nan ta sinku Mandamentunan di Iglesia. Ta trata di algun deber ku ta regulá i siña nos e forma konkreto di ser katóliko: kon nos ta stima Dios i kon nos ta rendi kulto den Iglesia. Entre nan tin e obligashon pa partisipá den Santa Misa riba djadumingu i fiestanan di presepito. E ta un di e obligashonnan mas básiko di katólikonan. Sorprendentemente algun katóliko ta deskonosé nan obligashonnan. I otronan no ta kaba di kere ku ta eksistí berdadero debenan ku ta obligá nan. Nan ta pensa ku dor ku e máksimo lei kristian ta amor, tur kos lo mester ta amor

spontáneo, sin obligashon. Pero esaki no ta asina, ya ku e amor ta masha eksigente: kuantu mas amor, mas eksigensia di manifest'è i pa evitá tur loke ta ofend'è.

E ta un konseho òf e ta un lei?

Ta importante distingui entre konseho i lei. Un kos ta rekomendashonnan di kosnan bon ku e ta duna nos pa ser mihó: “perkurá yuda otronan”, “trata di resa Rosario”, etc. Den e kaso aki nos lo hasi loke ta parse nos oportuno, pero sin di ta obligá den konsiensia pa sigui e konsehonan. Opviamente nos no ta peka, si nos disidí pa no sigui un konseho.

Otro hopi distinto ta e leinan ku ta obligá nos den konsiensia: leinan ta establese debenan estrikto.

E ora ei, inkumplimentu di leinan ta piká?

Nos tin ku distingui entre e lei divino – ku ta bini direktamente di Dios- i e lei eklesiástico –diktá dor di Iglesia pa konkretá modanan pa sirbi i honra Dios.

E lei divino ta regulá kuestionnan esensial di bida, pa lokual no ta atmití eksepsionnan: su inkumplimentu semper ta malu, e ta un piká. E ta e kaso di e Dies Mandamentunan.

En kambio, e lei eklesiástico ta trata di algun konkreshon mínimo di Iglesia pa yuda nos pa biba e bida kristian i no tin intenshon pa obligá ora ta eksistí un grave difikultat pa kumpli kuné. Ta p'esei e lei eklesiástico no ta obligá mi ora den su kumplimentu ta representá mi un inkomodidat grave: si mi ta malu riba djadumingu òf mi tin otro difikultat ku ta hasié difisil p'ami, anto mi no tin e obligashon pa bai Misa. Pero den situashonnan normal e ta obligá di tal manera ku su inkumplimentu ta piká. Ta p'esei despresio di lei di Iglesia no por ta bon. I no dun'è importansia, keda voluntariamente sin kumpli kuné, sin motibu, supóné de hecho un despresio.

Komo no ta un kuestion di opinionnan personal, sino di

loke ta establese dor di Iglesia, blesé leinan eklesiástico. (Kasias, kende ta esun ku a establese tesismo di Iglesia katóliko.)

E 10 mandamentunan di un bon lider

Un bon lider no ta nase, e ta bira hasi. Ounke tin sierto habilitatnan innatas ku por yuda, mayoria na siña i desaroyá di e habilitatnan di liderazgo se a lo largu di tempu. Pa esnan ku ke aspirá na konvertí nan den lidernan efektivu, aki tin e 10 mandamentunan ku mi mester sigui:

1. Tener inisiativa: Lidernan mes no warda e pa utri hende mas tuma e inisiativa na su lugá, esnan mester mes ta kuminsá. Tin inisiativa ta nifiká ser proaktivo i buska oportunidatnan lugá di spera ku ta presentá. Un lider debe ta ser kapas di rekonosé e problemanan i e proponé solushonnan.

2. Skucha: E lidernan efektivu ta skucha a su ekipo i la nan bisa. Siña na skucha aktivamente ta un habilitat importante ku tur lider mester tin. Skucha na su ekipo tambe les da un idea di loke sosodiendo den dia pa dia di trabou, loke e ten e ta yuda nan na tuma desishonnan mas informá.

3. Ser fleksibel: Un bon lider mester ta fleksibel i ta dispuesto na kambia di rumbo si e ta nesesario. Ser fleksibel na hiba bo na e falta di adaptashon na e kambionan di e merkado, loke por ta perhudisial pa e empresa.

4. Ser karismático: Lidernan karismático tin e kapasidat pa inspirá su ekipo i krea un ambiente di trabou positivo. Ser karismático no ta nifiká ser un showman, sino mas bon un un personalidat magnético na atrae e hende na bo boso.

5. Komuniká: E komunikashon ta klave den kualkier organisashon. Lidernan efektivu mester ta pa komuniká klaramente i di manera efektivu. Esaki ta impliká na kapas di transmití informashon komplehá di manera simpel i a sigurá di ku tur hende ta komprendé loke na ta spera loke nan mes di nan.

6. Vishon stratégiko: Lidernan efektivu tin un vishon kla di futuro i un strategia pa yega einan. E vishon kla akí ta i fásil pa komuniká e miembronan aki di ekipo. Un lider mester ta sa kapas pa artikulá e vishon aki manera ku su ekipo por traha huntu pa logra e ophetivonan.

7. Kompromiso: Un lider lo mester komprometí ku su ekipo i su trabou. Esaki ta nifiká ser un modelo na sigui i na ta dispuesto na hasi na loke e ta nesesario pa logra e ophetivonan di e organisashon. Lidernan lo mester ta di ta dispuesto na duna e 110% i na traha duru pa mantené sa su ekipo motivá.

8. Sentido di organisashon: Un bon lider mester ta organisá i mester tin sentido di órden. Esaki ta permití pa mantené den kontrol pa sigurá ku e kosnan ta ser hasiendo di manera efektivu. Un lider sa na kapas pa manehá múltiple tareanan i prioridatnan na mesun tempu.

9. Kapasidat analítico: Lidernan efektivu mester ta kapas pa analisá i komprendé nan e datonan. Esaki lo permití tuma desishonnan informá basá den hechonnan den lugá di suposishonnan. Un lider mester ta kapas pa analisá e informashon i utilis'è pa tuma desishonnan informá.

10. Pashon pa bo trabou: Por último, pero no ménos importante, un bon lider lo mester tin pashon por su trabou. Lidernan lo mester tan pashoná pa ken nan ta hasa i ta dispuesto na hasi lo nesesario pa logra e éksito. Esaki ta pashon i ta konstansia i por inspirá a los miembronan di e ekipo na traha duru i hasi esfuerso pa logra su ophetivonan. Un lider ku ta apashoná pa su trabou tambe por yuda na motivá ba su ekipo i oumentá su kompromiso i dedikashon na e empresa.

Kurso Baha Aselerá

Preis ta Naf. 140,00 pa e 5 dianan mas guia i fitness e sobra dianan di mei i pa selebrá dia di Mama un High Tech Massage gratis. Bo por kumpra e bukinan so pa Naf. 54,00. Kòrda riba bo karchi di deskuento.

Regalá bo mama pa dia di Mama e oportunidat pa mehorá su salú!

8 pa 13 mei 2023

7:30 pa 9:30 òf atardi 5:30 pa 7:30.

Kurso Baha Aselerá ta un kurso di 5 dia konsekutivo di 2 ora ku ta inklui guia, buki di Menú i su buki di Reseta, Fitness ku personal trainer i Sauna.

Inskribí mesora pa garantisa bo partisipashon na Pyramid Top Wellness Center; Menegrandeweg 2, huki Rio Canarioweg, Tel. 869-7733 of app. 520-8544

DUSHI TEMPU DI TELEVISION

Ku e seri aki mi ke hiba boso den tempu. Mi ke rekordá huntu ku esnan ku a lanta den añanan sesenta i setenta television di e tempu aya. Television “pretu ku blanku”. Tambe pa laga e generashon despues sera konosí ku loke tabata dibertishon pa mucha, hóben i adultonan den dékadan sesenta i setenta riba nos isla. TeleCuraçao a drenta operashon dia 31 di yüli 1960.

The High Chaparral

E seri di television The High Chaparral, ku a pasa na NBC di 1967 pa 1971, a laga su stèmpel atras na Boneiru, den sentido ku te awe tin un lugá ku su nòmber, esta e kunuku Chaparral di famia Josephia. Tabata un western di akshon.

Protagonista den e seri aki tabata Leif Ericson i Cameron Mitchel. Xanadu Productions a traha e seri aki den asosiasion ku NBC

Productions. Kreadó di The High Chaparral tabata David Dortort, ku a krea tambe e seri Bonanza anteriormente pa NBC. E tema tambe ta kreá pa David Rose, kende a komponé tambe esun di Bonanza.

The High Chaparral ta hunga den añanan ochenta di siglo 19. E storianan ta lora rònt di ‘Big John’ Cannon, un ‘ranger’ ku ta biba den e desierto seku na e parti sùit di Arizona, pegá

lu frontera ku Mexico, den tera di indjannan Apache. Chaparral ta referí na un mata. Ruman hòmer di ‘Big John’, Buck (Cameron Mitchel) tambe ta biba na e ‘ranch’ aki. Mas aleu ta biba aki tanbe Billy Blue, konosí komo Blue Boy.

E mama di Blue Boy ta muri den e promé episodio, matá pa flecha di un indjan. John e ora ei ta kasa ku un bunita muhé meksikano, Victoria (Linda Cristal), 30 aña mas yòn kuné, yu di Don Sebastian Montoya (Frank Silveria), un ranger meksikano besifia di The High Chaparral.

E promé episodio di dos ora ta establese e ‘background’ di e akshonnan, manera konflikto kada bes kiu e tribu di indjan Apache, bou di nan kasike Cochise. Tin un relashon hóstil en-

tre Cochise i famia di ‘Big John’. Esaki ta pone John sera un aliansa ku Don Sebastian Montoña. Parti di e preis pa e aliansa aki ta e matrimonio entre John i e yu muhé bunita di Don Sebastian.

Protagonistanan

Ámbos protagonista den e seri aki, Leif Erickson i Cameron Mitchel, a fayesé hopi aña pasá kaba. Leif a nase komo William Wycliffe Anderson (1911-1986). El a nase na Alameda, California, pegá ku San Francisco. E tabata aktor di tantu, sine komo television. El a yega di aktua tambe den un banda komo solista i tro-



monista.

Cameron Mitchel a nase dia 4 di novèmber 1918 i a muri dia 6 di yüli 1994. E tambe tabata aktor di tantu teatro, television komo sine.



El a kuminsá su karera den teatro na Broadway.



MONCHI & TONCHI

Simadan a pasa pero yen vrum vrum a keda tras.

Awèl si, ma komprondé ku tin un ‘beef’ formal ei ku a kosta algun grupo. Ma klara mi, ta kiko ta ‘beef’. Ma kere ta karni na ingles.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcendencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com

STATIA/SABA/ST. MAARTEN

Statia ta sigurá

Fasilidat i kas pa studiante i investigadó

ORANJESTAD (EUX) – Djaweps 4 di mei a yega na un akuerdo tokante e investigashon di infrastruktura,

meskos tambe un konferensia i fasilidatnan di drumi pa studiantenan bishitante i investigadónan.

Den presensia di diputadonan Arlene Spanner-Schmidt i Reuben Merkmán i Komisario di

Gobièrnu, Alida Francis, a firma un kontrakt ku e doño di e struktura di e anterior Instituto di Siensia di Antia, CNSI, Franklin Gibbs, pa keda disponibel pa e edifisio di Golden Rock.

Tabatin sierto interogante rònt di e edifisio, ku a sirbi pa sala di konferensia i fasilidatnan di laboratorio, konosí komo NWO pa despues pasa pa Dutch Caribbean Research Platform (DuCaRP).

DuCaRP ta un organisashon di netwerk pa kada seis isla karibense dentro di Reino Hulandes. Miéntras e no ta kondusí propio investigashon, e fasilidatnan, sosten i promoshon di in-

vestigashon riba e islanan.

Ministerio di Edukashon, Kultura i Siensia hulandes, a funda DuCaRP i pon'é na disposishon di Gobièrnu di Statia ku un presupuesto di transishon di un aña ku semper por ekstendé pa uso di e anterior fasilidatnan di CNSI.

Statia su naturalesa úniko i historia, ta hasi e isla un lokalidat perfekto pa investigashon di medioambiente i arkeológiko.

Paralelo ku e iniciativa di DuCarp, e fasilidat ta disponibel tambe pa skolnan bishitante, organisashonnan di hubentut i ekiponan deportivo.



Atvertensia pa kandela di mondi

GREAT BAY – Brantwer ta hasi un yamada na komunidat pa ta hopi kouteloso i no tira kabitu di sigaria òf fofò sende ku por resultá den kandela di mondi debí na e sekura aktual.

Ta pidi hendenan ku ke sende kandela di sushi òf yerba den áreanan habitá,

òf riba seru pa aktividatnan agrikola, pa evitá di hasi esaki òf tuma kontakto ku Brantwer.

Uso di kandela inapropiá por ta peliger pa bida di hende, propiedat i e ambiente kaminda tin kondishon di wer seku ku e pais ta eksperensiando aktualmente.

tualmente.

Kandela por sali for di

kontròl i plama lihé, debí na bientu fuerte i por afektá

propiedat i bida di hende lihé.



Temperatura haltu ta asotá aeropuerto

SIMPSON BAY – Djasabra gerente di Aeropuerto Juliana, huntu ku e sindikato WICSU, a revisá e plan di akshon pa kombati temperatura kayente den sierto área di e edifisio di aeropuerto.

Keho di pasahero, empleado i partnernan importante, inkluso Imigrashon i Duana, a alkanás nivelnan haltu.

E tim tékniko di e aeropuerto a splika e kousa di temperatura mas haltu ku usual den e edifisio, sigui pa presentashon di nan plan pa remediá e situ-

ashon i pasonan siguiente pa diferente partner.

Ta bai instalá algun unidat di èrko nobo den áreanan prinsipal di sala di yegada pa proveé friu adishonal den e edifisio. E trabounan a kuminsá djaluna i ta spera di keda kla pa djárasen.

E instalashon di e unidatnan adishonal ta bai aliviá e situashon kousá pa e kayente aktual ku ta afektá e isla i e bientu ku ta supla di sùit, loke ta kousa ku e aire friu ta skapa dor di e portanan di entrada.

Ehersisio militar na Statia

Marina Hulandes ta na Statia pa su ehersisio anual di preparashon pa orkan i desaster, HUREX. E grupo a reuní ku Andre Bennett, kordinadó di krísis di desaster. Riba e foto e grupo di marina hulandes, huntu ku Bennett, dilanti e sentro di operashon di emergensia, EOC.



Pa kompania nobo di telekomunikashon

Minister Cooper ta duna konseshon

WILEMSTAD – Minister Cooper ta duna konseshon na e kompania Evolving Communications N.V komo proveedor nobo di servisionan di telekomunikashon. Esaki pa por duna pueblo di Kòrsou mas posibilidat pa skohe, i haña mihó tarifa riba e tereno di telekomunikashon.

Esaki ta enserá ku

Evolving Communications lo por hasi konstrukshon, mantenshon, i eksplotashon di infrastruktura pa telekomunikashon públiko di distansia largu. Aktualmente tin 2 kompania ku ta ofresé komuniat servisio di telekomunikashon, Flow i Digicel. Minister Cooper awor ta sòru pa bin un kompetidor mas riba merkado.

Pronto Aqualetra tambe lo kuminsá funshoná den e merkado di telekomunikashon aki, komo proveedor bou di e nòmber AquaTel.

Di e forma aki, ta amplia e opshonnan ku pueblo tin pa e mes por skohe e kompania ku ta dun'é mas mihó servisio.



E di dos lo a yega mas lat debí na laman brutu

Promé barkunan di fruta ta yega

WILLEMSAD – E promé barkunan di fruta i berdura for di Venezuela a yega Kòrsou. Despues di basta deliberashon i negosashon djaluna mainta porfin Kòrsou a yama e promé barkunan di fruta bonbiní. Inisialmente tur dos mester a yega huntú, pero debí na problema ku laman brutu, unu so a logra yega den

oranan di mainta. Durante dia e otro barku tambe a yega handelskade. Entre otro Promé Minister Pisas ta entre esnan ku e bai risibí e barkunan. Pronto lo sigui atendé i duna pèmit pa mas barku por trese fruta i berdura. Porfin despues di mas ku 4 aña ku Venezuela a sera frontera, por a risibí e barkunan bèk.



Tiramentu ku detenshon i konfiskashon

WILLEMSTAD – Abitantenan di den e área di Berg Altena riba djadumingu 7 di mei, a meldu na sentral di polis ku nan a tende diferente tiru di arma di kandela i a señalá tres vehíkulo sospechoso ku tabata move den e área aki. Unidatnan polisial ku a hasi investigashon den e besindario, a bin topa na altura di un bòrchi di bús na Berg Altena, tres

kashi di bala. A konfiská esakinan. Kontinuando ku e investigashon, un unidat ku tabata sirkulá den Kaya Max Henriquez, algun ratu despues a bin topa ku un di e vehíkulonnan ku ta kuadra ku e deskripsjon ku sentral di polis a duna anteriormente. Polis a blòkia e vehíkulo aki i bai over na kontrolá tantu e okupantenan komo e outo.

Den e outo polis a topa un arma di kandela 'Glock'

ku tabata kargá, un kashi di bala i tambe un kantidat di droga. Polis a konfiská tur esakinan. A detené e dos okupantenan di e outo, e hòmbènan C.J.D. di 19 aña di edat i S.D.T.Q di 21 aña di edat, ámbos nase na Kòrsou.

E duo a presentá dilanti di un fiskal ouksiliar ku a ordená su enkarselamentu pendiente di mas investigashon.

ARUBA

Homber herida despues di pelea den bar

ORANJESTAD -- Diasabra marduga laat despues polis a efectua un detencion na Great Rich Bar Restaurant y a cer'e, nan a bay direccion Watergate. Eynan lo tawata tin un pelea andando, aunke cu na yegada di polis ya e pelea a caba.

Pero, polis a hay'e ta so-

licita pa un ambulance debi cu un homber a wordo gedal cu un boter den cabes. Esa-ki tawata sangra bastante. Ambulance a yega y den algun rato e homber herida a bay den e ambulance y nan a sali direccion Hospital. E luga a wordo cera tambe mirando cu e sluitingstijd a yega.



Polis a scual homber cu a sunchi mucha(3) ariba su boca

ORANJESTAD -- Diasabra atardi algo pasa di 4'or un mama tawata warda presencia di polis, pa un caso cu a sosode cu su yiu di 3 aña. Polis a yega y mesora nan a wordo informa di locual a sosode, cu ta wordo considera algo immoral sigur den comunidad.

Ta asina cu segun e

mama di un criatura (3) un homber a hisa e mucha y dun'e un sunchi ariba su boca.

Na e sitio un agente policial a dun'e un scual pisa. Autoridad no a detene e homber, pero a keda di pasa e caso over pa e departamento cu ta trata cu delin-
tonan di e indole aki, JZP.



Dama chauffeur bou influencia deteni

ORANJESTAD -- Diasabra algo prome cu 6'or y mey di atardi a sosode un boksmento riba e caminda di Alto Vista, un dama chauffeur tabata coriendo un Ford Explorer y pa un of otro motibo a perde control, a ranca un rij di cadushi y un palo di

luz por completo, asina mes e la sigui core algun meter mas prome cu e por a para e auto.

E palo di luz a cay riba caminda y e wayanan di coriente a keda colga na un forma hopi peligroso. Mesora a pidi pa presencia di polis, na yegada polis a

cera e caminda y a pidi pa presencia di ELMAR.

Tambe papiando cu e dama polis a bin ripara cu e dama tabata bou influencia. Na final a detene e dama pa core auto bou influencia, transportwagen di polis a transport'e pa warda di Noord.



DEPORTE

BTTB huntu ku Brantwer a selebrá Dia Mundial Pinpòn

KRALENDIJK--Bonairiaanse Tafel Tennis Bond (BTTB) e aña aki atrobe a selebrá Dia Mundial di Tènis di Mesa, "World Table Tennis Day" (WTTD). Te ku aña pasá, "International Table Tennis Federation" (ITTF) tabata selebrá e dia akí riba 6 di aprel.

Entrante e aña aki lo

sigui selebrá esaki riba 23 di aprel. Lema di e aña aki ta "Pensa di manera sostenibel, aktua awó".

E motibu ku ta selebrá riba 23 di aprel ta pa honra señor Ivor Montagu, organisadó di e promé campeonato mundial di tènis di mesa na 1926 i fundadó i promé presidente di ITTF.

Selebrashon di (WTTD),

BTTB a wak e importansia pa selebrá e dia aki, pero den otro estilo.

Awó ku BTTB tin un entrenadó fiho na Boneiru, BTTB a regla ku e entrenadó akí por duna personal di e kuerpo di brantwer di Boneiru (BKCEN) entrenamentu dos bes pa siman na kazèrne di e kuerpo.

E personal di BKCEN ta

hopi aktivo praktikando pinpòn den nan kazèrne, mirando e interes i e gana di e personal pa halsa nan nivel i kuminsa kompeti, BTTB a disidi pa organisa un torneo pa nan den nan kazèrne mes ku e nòmber "Selebrando Dia Mundial di Tènis di Mesa 2023". E torneo a kuminsá 4or atardi i finalisá 7or anochi. Tabatin 13 hungadó.

A repartí nan den 3 pul di 3 hungadó i unu di 4 hungadó, di kada pul dos hungadó a pasa pa e siguiente buelta. Despues a sigui kuater hungadó ku a bai pa promé, segundo, tèrser i kuarto lugá.

E weganan a ranka sali bon ku hopi kompetensia. Di e 13 hungadónan tabati un dama ku a partisipá ku ta Mariruth Cecilia. Den kuadro di dia mundial di tènis di mesa, BTTB a regalá Mariruth Cecilia i Julius Melaan un bunita t-shirt ku e lema di WTTD.

Resultado:

E wega pa tres i kuater lugá a bai entre Joselito Croes i William Soliana.

Croes a sa di gana Soliana 2-0 i Croes a posishoná su mes na di tèrser lugá, Soliana a keda na di kuater lugá.

Pa e promé i di dos lugá, Roselsio Boekhoudt i Earon Rosaria a kompeti kontra otro.

Ganadó apsolutu a resultá Roselsio ku skor di 2-0 riba Earon.

Regalu.

Entrenadó El Profè a risbí di parti di BKCEN un bunita rekuerso pa su tempu i dedikashon na nan ku e entrenamentu.

Presidente di BTTB señor Junny Vos a bisa ku BTTB ta hasiendo tur loke nan por pa laga Profè bini Boneiru pa tres luna mas pa por sigui ofresé nan e entrenamentunan.

Presidente di BTTB se-

ñor Junny Vos a splika ku BTTB ketu bai ta krea posibilidat pa mucha, hoben i seniør por praktiká pinpòn na Boneiru.

Segun Vos, for di dia ku e entrenadó ta fiho na Boneiru ya pa tres luna ta dunando entrenamiento tur dia na Jong Bonaire.

Ta hasi esaki ku hóbenan di Liseo riba djárasen i djabièrne

mèrdia, e grupo di 7 mucha di e edat entre 7 pa 13 aña tur dia di 5or pa 7or, e grupo di europeo ku a bira miembro di BTTB mirando ku tin un entrenador ku nan por risibí entrenamentu, i nos miembronan aktivo, pues tin hopi motibu pa

nos por mantené e entrenadó pa tres luna mas. BTTB huntu ku su spònsenan ta buskando manera pa yega na fondo pa por kubri e gastunan di e entrenadó pa e por regresá pa tres luna mas. Si no logra esaki, ta di lamentá, pasó nos lo perdè tur e hóbenan, muchanan i e seniørnan ku lo no por risibí entrenamentu mas.

BTTB no tin ningún otro entrenador na Boneiru pa por dediká su tempu pa por sigui. BTTB ta hasi un yamada na pèrsonanan òf komiersiantenan ku ke yuda ku loke nan por pa por será e sèn pa por trese e entrenadó bèk Boneiru.

Plannan di BTTB.

Segun Vos, si logra trese e entrenador Boneiru, BTTB lo krea mas posibilidat pa trein.

Esaki por sosodé manera na skol asina por organisá campeonato eskolar, na sentronan di bario, institutonan ku tin mesa di pinpòn, kompanianan ku ke ofresé nan trahadónan posibilidat pa trein na trabou, na akohida despues di skol i tambe na Rincon.

Pues lo krea hopi mas oportunidat di entrenamentu, segun sr. Vos a bisa.



Na Freestyle Pro Tour na Oustria

Bunita prestashon windsurfista lokal

KRALENDIJK – E windsurfistanan lokal, Nigel Hart i Youp Schmit, tabatin un bunita prestashon durante Freestyle Pro Tour na Oustria, den tantu e kompetensia freestyle komo Tow.

Nigel a finalisá na di nueve lugá den su promé kompetensia freestyle

internashonal, kompitiendo kontra nòmbernan grandi den e mundu di freestyle, den wer friu, loke e no ta familiar kuné. Nigel ta motivá i e sa kon pa dal e siguiente paso den su prestashon.

Youp a finalisá na di shete lugá, e por a hasi mihó, pero tin biá tur kos no ta bai bon durante un kompetensia, pero no kont'é pafó, ta

netamente e komienso di e temporada di freestyle pro.

Durante e kompetensia Tow, e bonerianonan a postulá nan mes na di tres lugá. Nos mester ta orguyoso ku e prestashon i presensia di Nigel i Youp na Oustria. Pabien i e siguiente biá ta sigur ku nan lo hasi mihó.



DEPORTE

Young Boys 4-2 riba Arriba Perú

K R A L E N D I J K -Young Boys, djadumingu último a gana di Arriba Perú 4-2 pa loka ta e di dos wega di e torneo di futbòl di FFB pa Kopa Dia di Boneiru.

Djadumingu último ta-

batin e di dos wega di e torneo di futbòl di FFB pa Kopa Dia di Boneiru.

Esaki a tuma lugá den oranan di anochi na Stadion Antonio Trenidad na Rincon den presensia di 90 fanátiko ku a paga pa mira

e partido.

E golnan di e partido pa Young Boys ta di Burnangel Gerly na di 8 i 52 minüt di e partido, Gedeon Ortela a hinka 1 gol na di 82 minüt di e partido pa pa duna nan ekipo e viktoria di 4-2 riba e

peruanonan di Arriba Perú.

E golnan di Arriba Perú ta di Jean Michel Thelusma na di 2 minüt i Gilbert Martis na di 90+ minüt.

Nos ta deseá e ekiponan

tur pero tur klase di éksito den e torneo aki di FFB pa Kopa Dia di Boneiru 2023.

Riba potrètnan outornan di e golnan di e partido.



Selekshon beisbòl U10 a biaha pa Honduras

K R A L E N D I J K -Manera nos a informábu siman pasá, ayera o sea djaluna último, selekshon U10 di beisbòl di nos isla a biaha pa Honduras.

Djaluna último 8 di mei 2023, selekshon di Bonaire Baseball U-10 a biaha pa Honduras via Miami, esaki pa partisipá den un campeonato Latino.

Informashon ku nos a risibí ta mostra ku e delegashon lo mester tabata na aeropuerto djaluna 6'or di mainta pa realisá e biahe pa e kompromisonan

di e torneo.

Informashonnan di e poko informashonnan ku nos a risibí tokante e biahe aki, ta mostra ku e selekshon a prepará su mes bon i ta bon prepará tambe pa e kompromisonan di e torneo.

Nos ta konvensí ku e preparashon ku e selekshon a risibí pa ku e biahe aki, ku e selekshon lo ta mas ku bon prepará pa e kompromisonan.

Nos ta keda pendiente pa mas informashon tokante e biahe aki pa e kompromisonan di e torneo.

Asina ku nos logra mas informashon tokante esaki nos lo amplia ku tur informashon relashoná ku e biahe di nos selekshon U-10 di nos futuronan pa ku e torneo aki.

The Dreamers Baseball i Softball Federation ta deseá nos selekshon U10 di beisbòl tur, pero tur klase di éksito den e kompromisonan aya na Honduras,

Riba potrèt e delegashon na aeropuerto promé ku e biahe djaluna último den oranan di mainta.



Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM

pokopoko pero sigur mas i mas hende ta ...

Skuch'è



Telefon/ WhatsApp +599 701 0935

www.radio935bonaire.com

Dam di Onima kasi seku atrobe

KRALENDIJK — E di aña pasá, debí na e yobidanan fuerte di novèmber, e dam di Onima ta kasi seku atrobe, despues ku den fin tabata kompletamente yen di awa. Ainda tin un parti den kua tin awa. Di mes na e parti aki tin diferente para


di awa ta move, manera patu i asta flamingo.

Mas aleu palomanan di mondi, manera álablanka i bloudùif, patrushi i yiwiri, tambe ta baha pa bebe awa, loke a bira skars debí na e sekura sofokante ku ta eksistí na Boneiru.

Anke ku sekura no ta masha plasentero, tòg e tin

tambe su bunitesa. P'esei tambe frater Arnoldo, kende a skirbi hopi di naturalesa di nos islanan, a yama un di su bukinan 'Bunitesa den Sekura'.

Riba e fotonan por mira e tiki awa ku a keda ainda den e dam di Onima i kon e suela seku a bira. Bunitesa den sekura.



CHANGAN WORKFORCE

3 YEAR WARRANTY

M201 SEVEN SEATER



\$13,995

M401 ELEVEN SEATER



\$17,995

MS201 DOUBLE CABIN



\$15,995

M401 CARGO



\$14,995

MD201 FLAT BED



\$12,995

M201 CARGO



\$11,995

MD201 COOLING BOX



\$17,995

3 ANNIVERSARY
CHANGAN
ON BONAIRE

dabboussi
motors

f /dabboussimotors

876.6662